

囑乃曰。吾道遙花月。殆六十年。可謂天幸矣。今亦何言哉。但吾死乃收骨於富春山。臨終賦詩一章。投筆而瞑。九月十二日也。享年七十六。滄浪及門人等。從其遺命。且多栽花木于冢間。云熱田妙安寺即其所也。

秦昂字士鉉。號滄浪。峨眉子也。為人卓犖不羈。壯歲召為明倫堂典籍。遷教授。無幾罷。優游終身。其學博綜。好校正古書。皆有裨于後學。文章不襲古人。自成一家。又有樹碑癖。戰場遺墟。騷人古跡。往往刻文以徵之。人見璣邑特愛其才。遇之最厚。自縉紳諸侯以下。皆仰慕其德。天性孝友。父母有疾。衣不解帶。湯藥必自嘗。饋饌抑

搔無所不竭心。其居喪哭泣幾亡。性有一弟。為僧在下野。及病歸。極愛養。文政丁亥秋。得風疾。五歲不愈。以天保辛卯七月朔。歿。享年七十一。葬于先塋側。所校刊有春秋左氏傳。國語。莊子。因世說新語補。韓文起。文選。李善註。賦詩韻含英。所著有一宵話。

木村貞貫。字君恕。號蓬萊。初號嶺南通稱太一。初稱桑女中島郡蒔安賀村人也。歲十二如江戶。見菽生祖徠。無幾祖徠歿。乃歸鄉。力學。與細井平洲友善。比壯入京。講說為業。其名稍著。會勝山侯名忠太。酒井氏任大和守。番衛于京。延為師。禮遇頗厚。遂從侯于江戶。其說經義。譬喻親切。言語明爽。

故雖昧者領會其旨。侯將大用委之。藩政未果而逝。於是蓬萊辭俸。家宰意其必欲如大國。蓬萊聞之曰。先君好學而容朽腐。是欲有為也。而今不幸早捐館。嗣君尚幼。臣不忍素餐。是以辭焉耳。曰。子欲安仕。曰。不欲復仕。問其所以自處。曰。未敢自謀。將寄食于友人。細井德民家。家宰大服其賢。加秩傳嗣君。既而復請曰。臣愚賤。非師傳之器。而君素狎。恐無所益焉。家宰乃告君改禮師敬。從是蓬萊正顏侍側。教誨最謹。在江戶邸十六年。交遊甚汎。文學德行重于一時。明和丙戌十月二十五日。歿于駒籠邸舍。享年五十一。葬于谷中臨江寺。所著有

玉壺詩選蓬萊遺稿等。

宮崎奇。初名字子常。號筠圃。通稱常之進。海西郡鳥地

村人也。幼而聰慧。強記超群。十歲善詩。其父舜弼嘗受

學于伊藤東涯。名長。常謂筠圃曰。勉旃。不繼吾業。則非

我子也。比十三歲。母歿。其脊筠圃涕泣不止。母曰。汝不

堪熱耶。筠圃曰。吾豈為之哉。吾深恐傷遺體也。十八歲

從父母遷京。師事東涯。東涯歿。卒業于蘭嶋。名長。堅

文己未父死。思慕哀戚。服喪三年。菜粥僅給。貧窶亦甚。

母戒之曰。窮當益堅。遺命莫諉。筠圃奉其誨。焦心覃思。

研究古學。夙夜不懈。明和甲申。買宅於近衛巷。將入居。

俄而母死居喪盡禮服闋而徙方此時德望隆重聲譽藉甚四方來學者盈門為人恭謹退讓志純守固事雖至小非義不為天性至孝祭考妣如事生其接人無少長皆盡禮偶聞一善言見一善行必錄藏之其作文溫雅詩亦真率書學趙文敏深得其筆法人得隻字半行以為至寶又妙墨竹當時淺井圖南名直御園原尹名中山科宗菴名溪並稱為平安四竹筠圃居其首請畫者日尋踵一日母謂之曰恐人以汝為畫工筠圃深慙悔自是誓不復作云安永甲午十二月十日歿享年五十八葬于東山禪林寺門人私謚曰行恭先生大納言源

信通卿銘其墓曰克先先業儀表儒門好善如饑嗜學如飡開朗群蒙折衷微言居仁之宅爵天之尊德音不朽令名永存所著有備考錄經說及詩文集皆藏于家津金胤臣字子隣號鷗洲又默齋通稱文左衛門本府世臣也幼嗜學始受業于須賀精齋精齋歿後從亮齋寬保壬戌十月嗣家歷諸職為熱田奉行始墾田海濱日夜辛勤二年竣功邑氓大悅至今受其賜焉為人峭直又熟武技又學和歌于冷泉家有暇則會友吟咏抒暢其情云享和辛酉十二月十九日歿享年七十五葬于城南大光院

細井德氏字世馨號平洲或稱如來山人通稱甚三郎智多郡平島村人也其先出于紀長谷雄長谷雄孫雄文隱于河內細井鄉子孫因氏焉二十世至岑克徒于參河岑克生克成克成仕今川氏克成孫雄貞任神祖後退隱于平島村以耕桑為業雄貞玄孫正長生子伯正方季即平洲也生而凝雋異于群兒比十歲志氣高邁恒好讀書至十二三歲經史邦乘畧已涉獵親族謀欲為僧若醫平洲不肯年十六遊京留一年遍訪名家無適意者遂回鄉當斯時中西淡洲方唱古學平洲往見之大服其德遂師事焉既而遊長崎時年十八

主小河仲栗寬名友飛鳥子靜淵名俱結兄弟之交日夜研精講業居三年聞母疾即日東歸歸則母已死平洲悲悼嘔血臥病歲餘先是淡洲徙居江戸平洲乃往從之遂家焉淡洲既歿平洲與秋山玉山儀名瀧鶴臺愷名澁井太室德名考南宮大湫等結交切磋經業以誘掖後進為己任聲名籍籍著聞海內紀香巖公時為西條侯首延為賓師其它列侯貴族修贄者月繁安永庚子明公始召見聽講大嗟賞之命為侍讀禮遇殊渥於是大興明倫堂以平洲為督學乃撰舉一國耆儒及弟子數人以充學職學政大振天明丙午二月始行釋菜

使平洲為祭酒。寬政庚戌兼世子侍讀。壬子以老辭。督學。優命許之。侍讀如故。為人風格清貴。威儀可仰。其接人溫恭。居家安靜。未嘗疾言遽色。每讀書少焉。則沈思。語門人曰。學思相須。先聖之教也。平生好稱人美。聞惡則不言。諸生有過。必從容諷諭。以使其悔悟。其學尤長政事。諸侯延受業者。必問以政。然其所為謀。終身籍口。不言。往復之書。不存稿。故人莫知其詳者。享和辛酉六月二十九日。歿于江戶。享年七十四。葬于淺草天岳院。所著有詩經古傳。詩經大訓。詩經小訓。詩經夷考。毛鄭同異考。嚶鳴館詩文集。小語。遊松嶋記。獻芹錄。一名野芹

政大體。花木花。小島苦屋。

南宮岳。字喬卿。號大湫。又烟波釣叟。居號積翠樓通稱彌六

郎。其先出于新羅義光。義光二十五世孫。曰飯島師勝。

其第五子曰之勝。通稱仲八改氏井上。善擊劍。材幹過人。始

仕國老竹腰氏。其妻結城氏。夢懷筆有身而生。大湫大

湫生而聰悟絕眾。以禎祥之故。小字曰文太。九歲喪父。

十三喪母。十一歲讀書。作詩。然以多病且早孤。不襲父

業。特攻儒術。成童受業于中西淡淵。與細井平洲情交

尤密。長不樂仕官。去入京。改氏南宮。無幾如伊勢桑名

就屋而居。教授為業。赤貧。至三日不食。然孜孜攻業。蕭

然無憂色。其妻林氏亦安焉。隣里稍敬異。既而徙阿濃津。負笈者日相踵。修書締交者亦多。歲四十二遊江戶。僑居日本橋邊。教授生徒。聲價愈高。自列侯貴人。至士庶。往來其塾者。殆無虛日。每講會後。至者無席可坐。居五年。其業益盛。以其居狹隘。卜築講堂於八町堀牛草橋畔。其樓以望富士山。扁曰晴雪樓。教授之暇。以著書為樂。其教人。先德行。自處履實理。然又不好以嚴厲格物。乃謂寬則能容衆。課門人。不曾譴責。遇奴婢。不少呵噴。寄寓生徒。常二三十人。見其貧者。則與衣食。使之益專力勤學。而不受其報。其於知友之窮困者亦然。初在

桑名。日飲一富人。家主人引幻士。以娛客。幻士將奏技。逡巡不進。謝曰。坐有異人。我術不成。竟辭去。坐客皆敬大湫。正志勝邪云。大湫壯歲。一飲盡斗酒。至歲五十。痛自禁止。自茲雖人強之一滴。不飲。安永戊戌三月三日。歿。享年五十一。葬于牛島弘福寺。所著有孝經指解補註。大學考論語師說述義。尚書今文定本。尚書今文纂註。禹貢地理指掌圖考。春秋三傳比考。歷代備荒考。大湫文集。守成論。勸學編。芸窓放言。積翠閑言。漁翁私言。病餘瑣言。講餘獨覽。移居帖。神代卷圖解。中臣後或問。茶說。獨笑本朝學原浪華抄等。

南宮齡初名壽字大年。號龍湫。又藍川。通稱大助。大湫子也。母林氏。比大湫客于伊勢。生龍湫于阿濃津。後携抵江戶。寓于八町堀。大湫卒時。龍湫年十四。居喪極哀。服闋。寓平洲。嚶鳴館。平洲以與大湫友善。視之猶子。內藤老侯名政先已師大湫。於是厚饋之。以養其母及幼弟。於麻布邸舍。龍湫刻苦憤勵。慨然有報罔極之志。天明辛丑秋。從平洲來尾張。居三年。為明倫堂典籍。於是迎其母與弟于江戶。人皆稱南宮氏有子。乙巳冬。母林氏以暴疾終。終之日。徵命適至。龍湫奉書號哭悲慟。除喪而後。加秩拜教授。兼侍讀。寬政庚戌夏。得疾。經歲不

愈。明年辛亥。又加賜秩祿。蓋特恩云。正月二十七日。竟不起。享年二十七。葬于城南禪芳寺。

人見來。字子魚。號璣邑。通稱彌右衛門。先世居武藏。人見村。因氏焉。璣邑實幕府講官。人見靖安次子也。靖安弟貞安。始仕本府。無子。養璣邑為嗣。璣邑性方正。恪慎。聰敏。多大畧。聞人善。深美之。視人不善。切警之。故舉世敬重焉。少為近侍。擢孝世子。小納戶。兼侍讀。著潛龍論。陳用人之道。以進之。明和乙酉春。世子始朝。明公賞璣邑之善。輔導。賜以采地。累遷諸職。遂為用人傍掌。治水。疏鑿安達川。分注莊內川。以利農田。方大興

明倫堂與細井平洲勳力定學規尋兼勘定奉行承命改革農政舉直錯枉置代官衙於各郡使吏親撫且恤問無告者疾苦凡所為壹以清心為要平居麤衣淡飯律已示人當職強毅令行禁止天明甲辰年歉食之富民承風賑濟貧窶璣邑自巡視行賞于四方明年大有年公喜周賞農吏特賜黃金時服於璣邑無幾以病乞骸骨賜月俸為養老之資居四年起為白世子傳謇謇輔佐二年致仕月俸如故優游卒歲寬政丁巳二月三日歿享年六十九葬于愛智郡石佛村善昌寺所著有張家寶長崎志三輪物語夕煙鶴毫文章等皆

藏于家

宮澤安重號欽齋又南溟通稱懶夫其先出于陸奧父曰磯野負純為蟹養齋高第娶鈴木氏生七子欽齋其第三子也往昔磯野氏支子有稱宮澤者欽齋襲用之為人傀偉倣儻膂力絕人自幼好學深崇程朱初遊于中村習齋之門後又就正于蟹養齋學成而教授伊勢桑名又仕長島侯名正賢增山氏任河內守後辭去又寓居桑名安永乙未還鄉隱于醫寬政丙辰冬應國相志水氏之聘訓導其臣僚志水氏敬愛最厚丁巳五月十一日歿享年六十三葬于城南長福寺所著有諸經傳講義若干



卷

岡田宜生。字挺之。後以字行。號新川。又有暢園杉齋等號。通稱仙太郎。本府世臣也。父曰宗愛。娶佐治氏。生子新川。其長子也。天資孝友。幼而師事松平君山。博覽洽聞。特長於詩律。君山每嘆以為不及。天明中。明倫堂成。以新川為教授。尋遷繼述館總裁。無幾擢為督學。人以為榮。而新川自處淡泊。如為諸生時。常吟咏以自樂。鄭註孝經久亡于漢土。賴魏徵群書治要所載。而獨存于我邦。新川乃表章之。以行于世。其書又西傳。清人洪旌賢名頤獲之。大喜。据披群籍所援。以作之補證。送

之我云。江戸市谷邸。一舍有老狸。動為怪異。人懼莫敢寓者。新川嘗以職赴江戸。人不告其故而居之。既過三日。其人問曰。先生無乃見怪乎。新川曰。每夜有一女子來。身無他怪。馬人服其雅度。性多病。晚年益甚。乃辭職就散官。寬政己未春。乞暇將浴伊勢温泉。途中病劇。比歸家。乃逝。時三月二十四日也。享年六十三。葬于城南慈眼院。所著有孝經引證。秉穗錄。彼此合符。常語數下學廣集。日下新詠。晞髮偶詠。物數稱謂。畸人咏。新川集。暢園文艸。暢園詩艸。暢園詠物詩。暢園節序詩。暢園題畫詩。暢園祝壽詩。暢園類雅。表海英筆。先友詩抄。夢遊

篇。堂亭名。甘谷志聞。所校有鄭註孝經。劉向列仙傳。其所作詩至二萬餘首云。

恩田維周字仲任。後以字行。蕙樓。危園。白山。皆別號。通稱進治。岡田新川弟也。為恩田宗致嗣。其幼時宗族皆以為癡。同儕皆輕侮之。蕙樓不少介意。常好看語。孟家極貧。就人乞敗筆。故紙以學書。葛木盛長覽其手書曰。孺子可教。因師事之。無幾盛長歿。於是兄新川携之謁松平君山。君山以為奇童。教育殊至。及長博覽。強記。問靡不答。而以家貧不能購書。與新川謀買故紙。寫歷史數百卷於其背。兄弟俱善詩。世以比機雲。明和甲申為

小十人組。祇役江戸。越一年歸鄉。數歲遷金臺公子。近侍。又如江戸。公子極愛之。既而以父疾乞歸省。遂丁其憂。哀毀踰禮。尋為繼述館總裁。資性溫厚。謙恪。不覺。穀譽已在其身。其自奉甚約。見世利紛華。如惡惡臭。暮年最愛花卉。多種之園中。每四時花開。獨步其間。吟哦以為娛。以殊愛牡丹。自號牡丹花老人。或請刊其詩文。蕙樓曰。鶯花雪月。天之所以娛我也。於是有詩以酬之而已。我豈釣名者耶。固辭不授。文化癸酉八月二十一日歿。享年七十一。葬于城南大運寺。所著有左傳考證。左傳刪。國語考。史記考。史記辨誤。史記補正。漢書質